



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvator Lib. Sententiarvm M. Petri Lombardi

Spina, Claudius de

Parisiis, 1551

14. de processione temporalis Spiritus sancti inuisibili.

urn:nbn:de:hbz:466:1-38840

DE PROCESSIONE TEM-
porali Spiritus sancti inuisibili.DISTINCT. Decimæquartæ
CAP. Primum.*Duplex processio Spiritus sancti.*

Gemina est processio Spiritus sancti, Aeterna videl. quæ ineffabilis est, qua à Patre & filio æternaliter & sine tempore processit: Et Temporalis, qua à Patre & Filio ad sanctificandam creaturam procedit. Et sicut ab æterno communiter ac simul procedit à Patre & Filio, ita & in tempore cõmuniter & simul ab vtroque procedit ad creaturam non diuisam à Patre in Filium, & à Filio in creaturam. Vnde August. lib. 15. de Trinit. ait: Spiritus sanctus non de Patre procedit in Filium, & de Filio procedit ad sanctificandam creaturam: sed simul de vtroque procedit. quamuis hoc Filio Pater dederit, vt sicut de se, ita etiam de illo procedat.

Ca. 27

CAP. Secundum. Spiritus sancti missio, siue eiusdem donorum collatio est temporalis.

Lib 2. homil. ho. II. **B**eda in hom. Dominicæ. 1. post Ascens. ita de temporali processione loquitur: Cùm gratia Spiritus sancti datur hominibus, profectio mittitur Spiritus à Patre,

mittitur & à Filio: procedit à Patre, procedit & à Filio, quia & ei⁹ missio est ipsa processio. His verbis aperte ostendit donationem gratiæ Spiritus sancti, dici processionem vel missionem eiusdem. Si enim donatio vel datio non sit nisi spiritualis, constat quia & hæc processio siue missio temporalis est. Hanc quoque temporalē Spiritus sancti processionem Aug. lib. 15. de Trinit. insinuat dicēs: Spiritus sanctus processit à Christo, quando post resurrectionem insufflauit in discipulos, his verbis: Accipite Spiritum sanctum. *Io. 20.*

C A P. *Tertium. Non solum dona, sed & Spiritus sanctus personaliter datur.*

Sunt autem aliqui qui dicunt Spiritum sanctum ipsum Deum non dari, sed dona eius, quæ non sunt ipse Spiritus sanctus. Et hoc dicunt Bedam sensisse, dum superius dixit Spiritum sanctum procedere, cum gratia eius hominibus datur. Sed quod ipse Spiritus .S. qui Deus est, & tertia in Trin. persona, detur aperte dicit Aug. lib. 15. de Trin. *Ca. 26* ita inquit, Eundem Spiritum sanctum datum, cum insufflasset Iesus, de quo mox ait: Ite, baptizate omnes gentes in nomine Pat. *Matt.* & Fil. & Spirit. san. ambigere non debemus. Ipse est ergo qui etiã de cælo datus est in die Pentecostes. Quomodo ergo, Deus *28.*

non est qui dat Deum, imò quantus est
Act. 2. Deus qui dat Deum? Ecce his verbis aper-
 tē dicit Spiritum sanctum, ipsum scil. Deum
 dari hominibus à Patre & Filio. Et quòd ip-
 se Spiritus sanctus nobis detur, ac nostris
 mentibus illabatur, apertē ostendit, Ambros.
2. Cor. lib. i. de Spiritu sancto dicēs: Licet multi di-
cap. 4. cantur Spiritus (quia legitur, Qui facit an-
Ps 163 gelos suos Spiritus) vnus est tamen Spiritus
 Dei. Ipsum ergo vnum Spiritum. & Apo-
Act. 9. stoli & Prophetæ sunt cōsequuti. Itē in eod.
Ro. 5. lib. de Spiritu. Quid autem dicere dubitem,
 quia datus est & Spiritus sanctus: quum
 scriptum sit, Charitas Dei diffusa est in cor-
 dibus nostris per Spiritum sanctum qui da-
 tus est nobis? qui quum sit inaccessibilis na-
 tura, receptibilis tamen propter bonitatem
 bonus est, complens virtute omnia: sed qui
 solis participetur iustis, simplex substantia,
 opulens virtutibus, vnicuique præsens, diui-
 dens de suo singulis, & vbique totus. Idem
 ait August. de Verb. Apostol. & 4. lib. de
Serm. Trinit.
ca. vlt.

*Questio. An homines possint dare
 Spiritum sanctum.*

Hic quæritur an viri sancti possint aliis
 dare Spiritum sanctum. Quod si sic
 videtur, quum eius donatio sit proces-
 sio, quòd Spiritus sanctus ab eis procedat &

mittatur. Sed creator à creatura non mittitur, ergo non possunt dare. Vnde Augu. 15. *Cap. 10*
 de Trinit. Non aliquis discipulorum Christi dedit Spiritum sanctum. Orabant quippe vt veniret in eos quibus manum imponebāt, non ipsi eum dabant. Quem morem in suis *Act.*
 præpositis etiam nunc seruat Ecclesia. Vnde & Simon Magus offerēs pecuniam non ait, Date mihi & hanc potestatem vt dem Spiritum sanctum: sed, Cuicūque, inquit, imposuero manus, accipiat Spiritum sanctum. & in eod. li. subdit: Nos quidem accipere hoc donum possumus pro modulo nostro, effundere verò super alios non vtique possumus. Sed vt hoc fiat, Deum super eos inuocamus.

C. A. P. Quartum. Ministri Ecclesie tribuere possunt Spiritum sanctum.

Sed huic videtur cōtrarium quod Apost. ad Gal. de se loquens ait: Qui tribuit *Cap. 3.*
 vobis Spiritum, & operatur virtutes in vobis: Ecce euidenter dicit se tribuisse Spiritum. Sed intelligendum est hoc dixisse Apost. non quia haberet potestatem & auctoritatem dandi Spiritum sanctum: sed qui ministerium habuerit, in quo dabatur à Deo Spiritus sanctus. Vt enim ait August. super eundem locum, exponens Apost. illud verbū: Ab Apost. prædicata est eis fides: in qua prædicatione aduentum & præsentiam Spi- *To. 4. in ca. 3. ad gal.*

ritus sancti fenserant, &c. Apertè hic ostendit quomodo illis spiritum sanctum tribuerit: Non utique ipsum mittendo in eos, sed prædicando eis fidem Christi, quam illis recipientibus quòd Spiritus sanctus in eis esset aliquibus signis visibilibus monstrabatur.

DE PRINCIPIO TEMPORALIS
processionis Spiritus sancti
in personis increatis.

DISTINCT. Decimæquintæ
CAP. Primum.

Spiritus sanctus non solum à Patre & Filio, sed à se ad creaturam mittitur & procedit.

Quum Spiritus sanctus detur omnibus à Patre & Filio, quod est ipsum temporaliter procedere vel mitti: cõsiderandum est an à seipso detur. Ad quod dicimus, quia Spiritus sanctus & Deus est, & donum: ideo dat & datur. Dat ut Deus, datur ut datum. Quum autem datio Spiritus sancti sit operatio Dei, & communis sit & indivisa operatio trium personarum, datur itaque Spiritus sanctus non tantum à Patre & Filio, sed etiam à seipso. Vnde Augustinus lib. 15. de Tri. dicit quòd seipsum dat. Nam si Pater & Filius dant Spiritum sanctum (ait) nec ipse dat aliquid: ergo Pater operatur & Filius, quod non operatur Spiritus sanctus.